



欧阳鹤(北京)

南乡子·中国梦

龙脉溯源长，华夏文明世代昌，
百族衣冠联域外，辉煌！寇犯倭侵枉
自戕。今喜又更张，破浪乘风万里航，
众志成城中国梦，昂扬！十亿炎黄
奔富强。

马年迎春曲(词韵)

一

漫云生肖总轮回，大好韶光去不归。
休守因循弹老调，应谋改革立新规。
年年不变终须变，事事难为定可为。
一曲高歌中国梦，嘶风万里马如飞。

二

野鹤闲云耄耋身，诗书又伴一年春。
未曾心事如蛇曲，却许襟期共马奔。
盛世重开长寄望，沉霾尽扫总牵魂。
国家有幸民方幸，梦到中兴唱入云。

星 汉(新疆·乌鲁木齐)

汽车上短信示兴仁诸诗友

秋声相伴久，豪气透车窗。
画幅填双目，诗情储一腔。
方辞黄果树，已过北盘江。
吟友如相问，溪桥备酒缸。

过朝云墓

芳魂长伴一山孤，西去眉州怯远途。
倘是坡仙回首望，相思依旧满西湖。

李同振(河北·石家庄)

采桑子·三中全会感赋

初冬时节滋春雨，难忘三中。今
又三中，全会传承改革风。 聆听
公报心花放，理论新清。政策新清，梦
境高瞻北斗星。

伏家芬(湖南·长沙)

韶山红日板仓霞(三首录二)
——为纪念毛主席诞生 120 周年而作

一

韶山红日板仓霞,宁舍小家为大家。
岁月峥嵘今胜昔,寒凝大地发春华。

二

从一而贞孰比她,韶山红日板仓霞。
一门三烈芳千古,墙隙遗书绽泪花。

曹印宝(河北·衡水)

临江仙·农家

东傍溪桥西望垄,楼前藤绕篱笆。
阳台爬响喇叭花。漫调频道看,歌舞共鸣蛙。
斩获时节芒种近,农机墙角镰叉。
悬灯煮酒待桑麻。麦香浑不管,趁夜透窗纱。

杨威(新疆·石河子)

高阳台·瞻仰屯垦戍边纪念碑

情满天山,功垂瀚海,丰碑血汗凝成。
铸剑为犁,人欢马啸龙腾。一支巨笔云天耸,著华章,字字琼瑛。
笑岑参,一夜春风,十里新城。当年谁料洪荒地,任群狼乱窜,荆棘丛生。
古有屯田,左林远戍名膺。尔今大漠花如锦,披绿荫,百鸟争鸣。
颂升平,铁垒桑田,玉韵金声。

瞻仰烈士陵园

苍松翠柏郁葱葱,白玉墓碑旗帜红。
血沃天山肥劲草,胸怀先烈仰高风。
英灵永在云烟外,浩气长留锦绣中。
游客如潮花似海,举头四顾耸珠峰。

邓寿康(广东·乳源)

广州环城高速夜景

霓彩缤纷亮眼之,盘旋起伏势惊奇。
真如破壁龙吟去,携梦腾挪惬意为。

朱贤成(湖北·荆州)

三中全会颂(录二)

三中全会树航标,改革浪高情更高。
百舸争流帆直挂,日边霞涌引春潮。
卅五征程改革艰,宏图一展一重天。
人民都是描春手,彩笔频挥景万千。

王骏(浙江·杭州)

闻专家改杜甫诗句同感

国在山河破,家园百害侵。
雨酸花态失,水浊病魔淫。
既作自然子,应存天地心。
歧途何所悟,低碳绿为箴。

凤阳山即景(录二)

山行



浓淡山间雾，有无崖上松。
雷鸣水声急，何必问龙踪。

风云

岭雾涸痕重，峰岚墨晕轻。
疾风笔如意，泼洒写纵横。

康中柱(湖南·湘潭)

鹧鸪天·到韶山

日出韶峰伫望妍，江山指点忆当年。
寒凝大地梅花俏，福造神州赤子怜。
民是本，国为先，开来继往启高贤。
龙腾九域思圆梦，湘水滔滔永向前。

毛泽东颂

沧海横流唱大风，改天换地五星红。
伟人神韵今何在，万仞昆仑上九重。

周声华(湖北·武汉)

观汉剧《王昭君》

香溪碧水映丹青，铁马金戈尚有声。
檀板丝弦歌已滞，只留孤冢叹阴晴。
注：香溪位于西陵峡口长江北岸，为昭君出生地。

观昆曲《牡丹亭》

秋波脉脉漾春池，幽梦迢迢寄杳思。
万丈红尘今胜古，惊疑亭畔爱如诗。

范义坤(广东·广州)

参观西柏坡中央机关旧址感作

入目青葱濯客尘，来从故址焕精神。
小村灯照黎明夜，陋室廉昭后世人。
纛卷狂飙摧朽构，云开旭日照元辰。
而今锦绣滹沱岸，犹见当年西柏春。
注：纛指帅旗，此处代指党中央；朽构指当时已腐朽的国民党政权；滹沱即滹沱河，其从西柏坡村前流过。

羊城战友雅集

清风初沐正重阳，杯里红尘况味长。
来处柳牵营外鹤，吟时句带鬓边霜。
欲将剑气酬秋月，却自兰台问稻粱。
契阔五溪烟景秀，倚云楼畔菊犹黄。
注：兰台指档案馆，五溪指湘西怀化，倚云楼为广州雅聚地。

朱恒铸(山东·淄博)

鹧鸪天·七夕有思

隔岸相思情泪流，沧溟无尽意无休。
不堪牛女离分苦，谁引浮槎解怨忧。
云天阔，锦帆悠，何须喜鹊架桥稠。
银河泛棹长相往，尽把神舟作渡舟。

宋彩霞(北京)

癸巳秋参观环县山城堡战役遗址

战火起河西，朦朦晓雾低。
秋昏山外月，血溅堡头泥。
陇壑披霜甲，边风送马蹄。
危亡思义勇，骨肉筑诗题。

癸巳秋观看环县皮影戏

植根黄土地，演绎大成篇。
道载千家愿，骆驼万座川。
情歌才结尾，鼓乐自缠绵。
勃勃原生态，多元趁管弦。

注：“骆驼”，一头驴载皮影道具下乡。

来根友(浙江·嘉兴)

宾馆(八首录二)

先生驱雀吾迎客，黯黯两情何以堪？
劫遇红羊无碎语，幸逢鸿鹄有深涵。
人生变幻古今一，环宇浩茫星宿三。
髦矣吾侪休扼腕，恍然勉望墓蒿函。
注：吾师(诗词大家庄一拂)“文革”时，曾任稻田驱雀者；据传媒，宇宙有三个地球。

苍然老去不追闲，岂信经营事事艰！
原为一取藏经阁，奚必三过火焰山？
清穆林泉悠矣眇，日时煎烤睫之间。
故人相见浩然叹：诗酒生涯何日还？
注：吾于“改制”后，曾先后办工厂、开茶楼直至业宾馆。

高锦杰(浙江·杭州)

天净沙·夜读

闲云冷月疏星，小楼白发青灯。
为探书山路径，夜阑人静，寻章琢句轻吟。

熊海航(浙江·杭州)

壬辰记事

过从一闪六旬秋，自喜躬临浙地游。
咀嚼沉浮心气静，言谈今昔水云流。
祖居保佑桥畔隐，圣迹会稽山麓留。
聚散寻常石交在，关河难隔韵赓酬。

钱水茗(浙江·杭州)

瞻仰毛主席遗容

纪念堂前宾似海，鲜花万簇祭灵台。
低回乐曲催人泪，瞻望遗容叹壮怀。
满腹经纶文盖世，回天战略国奇才。
功高历代谁与比，两袖清风万众哀。

杨小源(辽宁·沈阳)

瞻仰毛主席遗容(录三)

同寄人间四十秋，梦中相见也无由。
今朝对面生死隔，浪涌云翻天海愁。

生未相逢谙德音，神州十月沐甘霖。
尊前一拜思千绪，你老无言我有心。

韶山雨露孕诗人，马背豪情华夏魂。



古国后生崇国粹,千秋万代仰昆仑。

吴国瑒(浙江·杭州)

看“金光大道”演出有感

燕舞莺歌逢盛世,相声杂技亦包罗。
金光大道草根路,走出奇才苦乐多。

刘友竹(四川·成都)

海南竹枝词十二首(录二)

军舰战机

军舰成群巡碧海,战机列阵卫蓝天。
更有卫星飞射地,锋芒直指最南端。

儋州宾馆

倦游投宿卸行装,一路辛劳付梦乡。
晨起却惊稀罕事,门边艳照十多张。

金持衡(上海)

瞻仰南湖革命纪念馆

南湖榴花映天红,今日重游更动容。
古树旋回歌婉转,琪花缭绕玉玲珑。
党魂长忆千秋重,青史难忘旷代雄。
改革音符开放曲,红船一叶显峥嵘。

万裕屏(贵州·贵阳)

汉字听写大会感赋

央视荧屏焕绮光,髫龄儿女步华堂。

音落争先书曲水,梆敲竞快写流觞。
寻常语句难忘脑,生僻词条易探囊。
九域杏坛勤学子,阳光灿烂照轩窗。

手表

万里山河气象新,冥中自有死灵魂。
粪污尿浊遭人唾,玉洁冰清受世尊。
名带轮回缠鼠腕,贪官次第进牢门。
表哥教训堪为鉴,莫学刘张盗库金。
注:“表哥”指贪官杨达才,已判刑;“刘张”指贪官刘青山、张子善,已在解放初期处决。

冯志成(湖北·当阳)

中枢接力棒传承感咏

神州万里沐春光,民族精英会一堂。
研讨富民强国策,探求合作共赢方。
五洲额手欣龙舞,四海归心祝凤翔。
世界消弥争战日,和谐人类步康庄。

萧永义(北京)

满江红·甲午(马年)来临忆旧

万马银涛,洗不尽,九州磨折。风雷动,旌旗三面,海枯云竭。稻菽千重翻作浪,金花四溅飘成铁。到头来,唯见阵云深,孤烟阔。群英会,匡庐沸;忧故国,胆肝热。驾长车直指九重京阙。元帅呈情毫欲断,渊明也应箫吹裂。后来人,遥望大江东,千堆雪。